

Službene novine Federacije BiH, broj 58/19

Na osnovu čl. 56. i 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 21. stav (2) Zakona o pravima demobiliziranih branilaca i članova njihovih porodica ("Službene novine Federacije BiH", broj 54/19) i člana 20. Privremenog pravilnika o unutrašnjoj organizaciji Federalnog ministarstva za pitanja boraca i invalida odbrambeno-oslobodilačkog rata broj 05-34-6506/13 od 20.01.2014. godine, broj 05-34-4944/14 od 27.11.2014. godine, 05-34-5123/15 od 27.11.2015. godine, 05-34-5588/17 od 28.12.2017. godine i broj 05-34-1443/18 od 21.06.2018. godine, federalni ministar za pitanja boraca i invalida odbrambeno-oslobodilačkog rata donosi

INSTRUKCIJU

O IZMJENAMA I DOPUNAMA INSTRUKCIJE O NAČINU IZVRŠENJA UPRAVNIH I STRUČNIH POSLOVA U POSTUPKU ODLUČIVANJA O PRAVU NA NOVČANU EGZISTENCIJALNU NAKNADU DEMOBILIZIRANIH BRANILACA ("SLUŽBENE NOVINE FEDERACIJE BiH", BROJ 55/19)

Član 1.

U Instrukciji o načinu izvršenja upravnih i stručnih poslova u postupku odlučivanja o pravu na novčanu egzistencijalnu naknadu demobiliziranih branilaca ("Službene novine Federacije BiH", broj 55/19), (u daljem tekstu: Instrukcija), u članu 5. stav (4) mijenja se i glasi:

"U postupku revizije, Ministarstvo može dati saglasnost na prvostepeno rješenje, ukoliko ocijeni da je isto zakonito i pravilno doneseno, ili može poništiti i vratiti na ponovno rješavanje prvostepenom organu ili samo drugačije riješiti upravnu stvar, ako ocijeni da rješenje sadrži formalne-pravne nedostatke."

U članu 5. iza stava (4) dodaje se novi stav (5) koji glasi:

"Federalni ministar za pitanja boraca i invalida odbrambeno-oslobodilačkog rata (u daljem tekstu: federalni ministar), će donijeti posebnu odluku kojom će urediti način i postupak vršenja revizije."

Dosadašnji stav (5) postaje stav (6).

Član 2.

Obrazac zahtjeva iz člana 4. Instrukcije, se mijenja i isti se smatra sastavnim dijelom ove Instrukcije.

Član 3.

Ostale odredbe Instrukcije ostaju nepromijenjene.

Član 4.

Ova Instrukcija stupa na snagu narednog dana od dana objavljivanja u "Službenim novinama Federacije BiH".

Broj 01-41-2402-1/19
13. augusta 2019. godine
Sarajevo

Ministar
Doc. dr. **Salko Bukvarević**, s. r.

(Prezime, ime oca i ime podnosioca zahtjeva)

Obrazac-Zahtjev

(Broj lične karte)

(Adresa i kontakt telefon)

Općina/Grad _____

Služba nadležna za branilačko-invalidsku zaštitu

PREDMET: Zahtjev za priznavanje prava na novčanu egzistencijalnu naknadu

Obraćam Vam se zahtjevom da mi u skladu sa Zakonom o pravima demobiliziranih branilaca i članova njihovih porodica („Službene novine Federacije BiH“, broj: 54/19), priznate pravo na novčanu egzistencijalnu naknadu.

Uz zahtjev prilažem sljedeću dokumentaciju:

1. Izvod iz matične knjige rođenih podnosioca zahtjeva;
2. CIPS-ova prijava prebivališta podnosioca zahtjeva;
3. Uvjerenje da je podnosilac zahtjeva bio pripadnik Oružanih snaga, izdato od nadležne Grupe/Samostalnog izvršioca za pitanja evidencija iz oblasti vojne obveze. (Uvjerenje VFMB - 3a);
4. Uvjerenje Zavoda za zapošljavanje da se podnosilac zahtjeva nalazi na evidenciji nezaposlenih osoba najmanje 1 (jednu) posljednju godinu prije podnošenja zahtjeva, i da ne prima novčanu naknadu za vrijeme nezaposlenosti, (samo za podnosiocce mlađe od 65 godina života);
5. Uvjerenje iz porezne uprave da podnosilac zahtjeva ne obavlja samostalnu djelatnost vlastitim radom i da nema drugih prihoda na osnovu izdavanja u zakup poslovnih ili stambenih prostora i sl. ili ukoliko ima prihoda, da ukupan iznos prihoda ne prelazi iznos od 174,03 KM mjesečno;
6. Uvjerenje nadležne službe MIO/ PIO da nije uživatelj penzije, ili, ukoliko jeste, da njen iznos ne prelazi iznos od 174,03 KM, (samo za podnosiocce starije od 65 godina života);
7. Izjava podnosioca da nije uživatelj inostrane penzije;
8. Uvjerenja nadležne kantonalne/gradske/općinske službe za socijalnu zaštitu i Službe za boračko-invalidsku zaštitu da podnosioc zahtjeva nije korisnik stalnih mjesečnih primanja, ili, ukoliko jeste, da iznos tih primanja ne prelazi iznos od 174,03 KM mjesečno;
9. Potvrda banke sa brojem tekućeg računa podnosioca zahtjeva ili kopija tekućeg računa podnosioca zahtjeva.

Priložena dokumentacija treba biti original ili ovjerena kopija ne starija od 6 (šest) mjeseci, izuzev za dokaz iz tačke 1. (rodni list) ukoliko je isti trajnog karaktera.

(mjesto)

(Podnosilac zahtjeva)

(datum)

Shodno članu 5. Zakona o zaštiti ličnih podataka („Službeni glasnik BiH“ broj: 49/06, 76/11 i 89/11) kao nosilac gore navedenih i dostavljenih podataka saglasan/saglasna sam da Općinske/Gradske službe, Kantonalna ministarstva/uprave nadležne za boračko-invalidsku zaštitu i Federalno ministarstvo za pitanja boraca i invalida odbrambeno-oslobodilačkog rata/ Federalno ministarstvo za pitanja branitelja i invalida domovinskog rata vrši obradu istih u svrhu rješavanja po zahtjevu, trajno.